

ՂԶԼԱՐՈՒՄ ԿՐԹԱԿԱՆ ԳՈՐԾԻ ԿԱԶՄԱԿԵՐՊՄԱՆ  
ՊԱՏՄՈՒԹՅՈՒՆԻՑ (XIX դ.)

Լ. Ա. ՊՈՂՈՍՅԱՆ

Հայ ժողովրդի պատմական ճակատագրով, միաժամանակ Ռուսաստանի բողոքական ու տնտեսական որոշակի շահախնդրություններով էր պայմանավորված XVIII դարում Ղղլարում հայ համայնքի ձևավորումն ու հետագայ ստվարացումը։ Ղղլարի հայ համայնքը նկատելի ներդրում ունեցավ ներկրամասի տնտեսական յուրացման դժվարին ու կարևոր խնդրում։ Պական կարևոր չէր հայ համայնքի դերն ու մասնակցությունը XVIII—XIX դդ. հայ-ռուսական հասարակական-քաղաքական հարաբերություններում։ XIX դարում Ղղլարում կար ազդային դիմապատկեր ունեցող և հայրենիքից չխորթացած հայ համայնքը։ Վերջինս կարողացավ ստեղծել նաև բավական ուրույն, բնույթով ազդային մշակույթ։

Ղղլարը Հյուսիսային Կովկասում կրթական կյանքի աչքի ընկնող կենտրոն էր։ Դպրոցը, աճող սերնդի կրթություն և լուսավորության գործը հայ համայնքի առաջնահերթ և հրատապ խնդիրներից էին, և այդ էր պատճառը, որ դադթավայրի աշխարհիկ և հոգևոր գործիչներն իրենց ուշադրությունը բևեռում էին հատկապես այդ խնդրի վրա, ձգտելով շուտափույթ լուծում տալ հարցին։ Հայաշատ այս դադթավայրում դպրոցական գործի կազմակերպությունը խոշորացանքով լեցուն ուղի է անցել, որը պայմանավորված էր մի կողմից ներկրամասի ռազմաքաղաքական անապահով իրավիճակով, մյուս կողմից՝ համընդհանուր հետամանցությամբ, դպրոցները նյութական անհրաժեշտ միջոցներով և ուսյալ կադրերով մշտապես ապահովելու անհնարինությունը և այլն։ XVIII դարի վավերագրերում Ղղլարում հայկական դպրոցի գոյության մասին հիշատակության չենք հանդիպում։ Պետք է ենթադրել, որ հայ մանուկների կրթության և դաստիարակության գործով եկեղեցական իշխանություններին ենթակա մասնավոր դպրոցներում զբաղվել են տեղի հայ քահանաները։ Այդ դպրոցներում դասավանդվել են կրոն, հայերեն ընթերցում, միություն, թվարանություն և այլն։ XIX դարի 20-ական թթ. վերջի վավերագրերից մեկում<sup>1</sup> (դա ղղլաբահայ համայնքի վկայականն է տրված Աստրախանի Ս. Լուսավորիչ եկեղեցու սարկավազ Գևորգ Արտեմի Սուբխասովին) ղղլաբահայերը հիշատակում են Գ. Սուբխասովի հորը՝ Արտեմ Սուբխասովին, որը թեմի առաջնորդ Եփրեմ արքեպիսկոպոսի կողմից 1805 թ. Ղղլարում նշանակվել է ուսուցիչ։ Ղղլաբահայերի արտահայտությամբ, այդ ժամանակ քաղաքում ոչ մի ուսումնական հաստատություն գոյություն չի ունեցել։ Մեզ հասած պատմորիկ վավերագրերից եզրակացնում ենք, որ դրվարահայերը փորձել են դպրոց բանալ (իրենց իսկ արտահայտությամբ՝ տվելի քան 400 աշակերտ կհավաքվեր, իսկ բացվելիք ուսումնարանի համար մշտապես նախատեսվել է 50—60 աշակերտ), սակայն դժվարությունների են հանդիպել, քանի որ Ա. Սուբխասովը, լինելով տարեց և վատառողջ, չէր կարող միայնակ ապահովել մայրենի լեզվով ընդարձակ դասընթացը՝ կրոն, բերականություն, ընթերցանություն, գիր, թվաբանություն և եկեղեցական արքեպիսկոպոսին։ Կարծում ենք, եթե անգամ դպրոցը բացվել է, ապա շատ կարճատև կլիներ և ունեցել Ղղլարում մեզ հայտնի հայկական առաջին վարժարանը բացվել է 1817—1818 թթ., ժամանակի աչքի ընկնող գոր-

<sup>1</sup> Մաշտոցի անվ. Մատենադարան (ՄՄ), կաթ. գիվան, թղթ. 88, վավ. 163 (ցավոք վավերագիրը թերի է և ամբողջությամբ մեզ չի հասել)։

ծիրներին Գևորգ Խուրովի (1762—1829) օգնությամբ ու մասնակցությամբ: Գ. Խուրովը 1814 թ. բնակություն էր հաստատել Ղզլարում, հողամաս էր ձեռք բերել և կաթողիկոսի օգնությամբ կարողացել էր իր և բարեկամների ազնվական տոհմական ծագումը վավերացնող վկայականներ ձեռք բերել<sup>2</sup>:

Ղզլարի հայկական վարժարանը (աղբյուրներում այն երբեմն հիշատակվում է իբրև ծխական ուսումնարան)<sup>3</sup>, որը բացվել էր դպրոցական իշխանությունների և Աստրախանի հայոց հոգևոր կոնսիստորիայի թույլտվությամբ, գտնվում էր նրանց հսկողության ներքո, կոչված էր հոգևոր ու աշխարհիկ կադրեր պատրաստելու: Ղզլարի վարժարանը բացման տարում ունեցել է հարյուրից ավելի աշակերտներ: Դպրոցը պահվել է մի քանի ղրգլարահայերի, մասնավորապես Խոջայան եղբայրների և Գևորգ Խուրովի միջոցներով: Վերջինս ոչ միայն պաշտոնավարում էր իբրև հայոց դպրոցի ուսուցիչ, այլև իր ծախքով պահում էր 12 աշակերտ<sup>4</sup>: Վարժարան հաճախող աշակերտների մեծամասնությունը ուսման վարձ է մուծել, որով նույնպես հոգացվել են ուսումնարանի ծախսերը և ապահովվել է ուսուցիչների աշխատավարձը: 1818 թ.<sup>5</sup> այսինքն ուսումնարանի բացման առաջին կամ հաջորդ տարում, Գ. Խուրովը աշակերտների ծնողների հետ պայմանագիր է կնքել և վերջիններս պարտավորվել են յուրաքանչյուր աշակերտի համար տարեկան 25 ռուբլի վճարել, որը, սակայն, ոչ միշտ է ժամանակին և ճշտորեն կատարվել: Ս. Սանթրոսյանի կարծիքով, Գ. Խուրովից բացի դպրոցում դասավանդել են ևս 5 ուսուցիչներ, որոնցից 4-ը հայերեն լեզվով, մեկը՝ ռուսերեն: Դասավանդվող գիտելիքների թվում էին՝ Հին և Նոր կտակարան, եկեղեցական արարողություն, ռուսերեն և հայերեն քերականություն, հոստոթություն, թվաբանություն, առևտրական հաշվապահություն<sup>6</sup>: Ուսուցչական անձնակազմի և դասավանդվող առարկաների այսպիսի առատությանը թերևս կնախանձեին XIX դարի երկրորդ կեսի ռուսահայ թեմի նյութապես ապահովված հայկական վարժարաններից շատերը: Սակայն Գ. Խուրովից բացի այլ ուսուցիչների մասին մեզ տեղեկություններ չեն հասել: Վերջինս դասավանդել է կրոն, հայոց լեզու և երգեցողություն: Պահպանվել է Գևորգ Խուրովի 1825 թ. Ղզլարում գրած երգարանը՝ «Երգարան երգեցիկ մանկանց և յորդորակ սիրահար դեռավարժից», որը իբրև եկեղեցական երգեցողության ձեռնարկ է ծառայել վարժարանում<sup>6</sup>: Դպրոցներն ուսումնական ձեռնարկներով ապահովվելը դպրոցական գործի կազմակերպման դժվարին խնդիրներից էր ոչ միայն Ղզլարում, այլև ռուսահայ մյուս գաղթավայրերում, առավել ևս, երբ խոսքը վերաբերել է XIX դարի առաջին տասնամյակներին: Այս շրջանում էր, որ Գ. Խուրովի հեղինակությամբ ասպարեզ են եկել մի շարք ձեռագիր աշխատություններ, որոնց սպազորության և որպես ուսումնական ձեռնարկ ծառայեցնելու խնդրում շահագրգռված էին թե՛ հոգևոր առաջնորդը և թե՛ Ղզլարի տարաշերտ հասարակությունը: 1827 թ. հոկտեմբերին ռուսահայ թեմի առաջնորդ Հովհաննես արքեպիսկոպոսը Աստրախանի հայոց եկեղեցու ավագ սարկավագ Հովսեփ Հովհաննիսյանին Ղզլարից հայտնում է, որ վարժապետ, իշխան Գևորգ Խուրովի դաժանաքիտ աշխա-

<sup>2</sup> Տե՛ս Լ. Մելիքսեթ-Քեհկ. Գևորգ Մելիքսեթեկյան Խուրով (նյութեր և նոթեր).— Զեւոյն ԳԱ «Տեղեկագիր» (հաս. դիտ.), 1950, № 1—2, ՄՄ, կաթ. դիվան, թղթ. 31, վավ. 136, 140, 142:

<sup>3</sup> И. Савинский. Астраханская епархия (1602—1902 гг.). Вып. II, Астрахань. 1905, с. 183. Հստ հեղինակի՝ տարրական եկեղեցական-ծխական դպրոցներից հնագույնը բացվել է Ղզլարում, Հովհաննես արքեպիսկոպոսի ջանքերով, Աստրախանի հոգևոր ուսումնարանի հետ գրեթե միաժամանակ (1818):

<sup>4</sup> Մ. Սանթրոսյան. Արևելահայ դպրոցը XIX դարի առաջին կեսին. Երևան, 1964, էջ 291:

<sup>5</sup> Նույն տեղում, էջ 291:

<sup>6</sup> ՄՄ, ձեռ. № 491, տե՛ս նաև՝ Լ. Մելիքսեթ-Քեհկ. Նշվ. աշխ., էջ 65:

տանքի և Ղլլարի բարեպաշտ ժողովրդի ջերմեռանդ օգնության շնորհիվ հաջողվել է ձեռք բերել Գ. Խուրովի շորս գործերի (1. Գավազանագիրք թագաւորացն Հայոց», 2-րդ՝ «Հեղինակ համեստութեան», 3-րդ՝ «Պարսաքար Դաւթի» և 4-րդ՝ «Հնագույն բառարան հայոց») տպագրության թույլտվությունը և հրամայում է տպագրել: Գրում է նաև, որ կոմս Ռումյանցևը և մինիստր Շիշկովը առաջարկել են իրենց վաճառել այդ գրքերը, որոնք կթարգմանեն և կտպագրեն: Սակայն Ղլլարի ջերմեռանդ ժողովուրդը, ավելացնում է արքեպիսկոպոսը, խնդրել է չվաճառել իրենց հիշատակը, խոստանալով նյութապես օգնել և զուլփ բերել տպագրության գործը: Հավաքել և հանձնել են լույս ընծայելու փողը, միաժամանակ ցավում են, որ իրենք տպարան չունեն, թեպետ մեծ չափով զգում են դրա պահանջը: Վերը նշված վավերագիրը ուղարկվել է այն առումով, որ այստեղ առաջին անգամ հիշատակվում են Գ. Խուրովի երեք աշխատությունները (հայտնի էր միայն «Գավազանագիրքը»), որոնց ծանոթ չի եղել նաև Լ. Մելիքսեթ-Քեկը: Այդ աշխատությունները, ցավոք, մինչ օրս չեն գտնված: Փաստորեն, չի հաջողվել նաև դրանց տպագրման գործը: Կասկածից վեր է, որ տպագրվելու դեպքում Խուրովի աշխատությունները որպես ուսուցողական ձեռնարկ օգտագործվելու էին Ղլլարի և այլ հայկական վարժարաններում: Գ. Խուրովի մեզ հասած «Գավազանագիրք» որ է ցուցակ ազգաբանութեան թագաւորացն նախարարաց և պալատաւ սպարապետաց և այլոց» ձեռագիր աշխատությունը պատմա-ժամանակագրական բնույթի է, համեմատված է պատմահայրենասիրական ոտանավորներով և գիտական ու գրական արժեք ունեցող նյութ է պարունակում<sup>7</sup>: Աշխատությունը գրելու տարեթիվը և տեղը փոքր ինչ կասկածի տեղիք են տալիս: Լ. Մելիքսեթ-Քեկը, մատնանշելով բուն տեքստի մեջ 1814 թ. ներքո մոտավոր հեղինակի հիշատակարանը, «Գավազանագիրք» վերջնական ձևակերպման ժամանակն է համարում հենց նույն՝ 1814 թ.<sup>8</sup>: Եվ եթե ընդունենք, որ Գ. Խուրովը Ղլլար է փոխադրվել 1814 թ., ուրեմն աշխատությունը գրվել կամ ավարտվել է Ղլլարում հենց այդ թվականին: Մաշտոցի անվան Մատենադարանի ձեռագրացուցակում Մոզզոկի՝ որպես աշխատության գրչավայրի հիշատակումը սխալ է<sup>10</sup>:

Պահպանված վավերագրերից տեղեկանում ենք, որ Գ. Խուրովը Ղլլարի հայոց վարժարանում դասավանդել է մինչև 1828 թ.: Աստրախանի հայոց կոնսիստորիան 1828 թ. սկզբներին ստացել էր Խուրովի զեկուցագիրը (հիշատակվում է ուսուցիչ առաջնորդող դասատան դպրոցիս) խնդրանքով՝ ազատել իրեն այդ պաշտոնից և փոխարենը նշանակել մեկ այլ ուսուցչի, որը կարողանա դասավանդել աշակերտներին նաև այլ անհրաժեշտ առարկաներ<sup>11</sup>: 1828 թ. Գ. Խուրովի Աստրախան տեղափոխվելուց հետո Ղլլարի հայ համայնքի առջև կրկին հանում է հայոց վարժարանում ուսուցիչ ունենալու խնդիրը: Ղլլարահայ համայնքի՝ 1829 թ. Աստրախանի հայոց եկեղեցու ավագ սարկավագ Գևորգ Սուքիասովին տրված վկայականում նշվում էր, որ Գ. Սուքիասովը (վերը հիշատակված Արտեմ Սուքիասովի որդին) անձամբ խնդրել էր իրեն ուսուցիչ կարգել Ղլլարի վարժարանում: Ղլլարահայերը համաձայնելով, միաժամանակ որդուն ոգևորում էին հոր օրինակով, մատնանշելով Արտեմ Սուքիասովի նախանձելի եռանդը մատաղ սերնդի կրթության կարևոր և դժվարին գործում<sup>12</sup>: Աստրախանի հայոց կոնսիստորիան 1829 թ. սեպտեմբերի 13-ի որոշումով հաստատում է նրա թեկնածու-

7 ՄՄ, կաթ. դիվան, թղթ. 56, վավ. 300:

8 ՄՄ, ձեռ. № 10189:

9 Լ. Մելիքսեթ-Քեկ. նշվ. աշխ., էջ 68:

10 Մայր ցուցակ հայերեն ձեռագրաց Մաշտոցի անվան Մատենադարանի. հ. Բ, Երևան, 1970, էջ 1054:

11 ՄՄ, կաթ. դիվան, թղթ. 88, վավ. 168:

12 Նույն տեղում:

թյունը, նշանակելով տարեկան 500 ռ. ռոճիկ և աշակերտների կողմից մուծվող վարձի կես մասը<sup>13</sup>:

Ղզլարում հայոց ուսումնարանի գոյատևության մասին պահպանվել են մի քանի տեղեկություններ, որոնց համաձայն դպրոցը շարունակել է գործել նաև 1818 թ., երբ բացվել է նաև Ղզլարի գավառական ուսումնարանը: Մինչև 1836 թ. (գուցե և ավելի) Ղզլարի ուսումնարանում ուսուցչի պաշտոն է վարել Գ. Սուքիասովը: Պահպանված մեկ այլ վավերագիր պատահկից (Աստրախանի հայոց կոնսիստորիայի 1836 թ. մայիսի 1-ի որոշում-հրամանն է) երևում է այն համակ ուղարկությունը, որ հայոց առաջնորդարանը տաժնել է Ղզլարի ուսումնարանի նկատմամբ:

XIX դարի սկզբներին կրթական գործի հետ կապված դժվարությունները հայ հոգևոր և աշխարհիկ գործիչներին ստիպում էին դիմել նաև դպրոցական իշխանություններին՝ վերջիններիս իրավասության տակ գտնվող ուսումնարաններ հիմնելու նպատակով, որոնք գոնե նյութական ապահովության տեսակետից մշտապես կարող էին բավարարված լինել: Ղզլարի հայ պատանիների համար ուսումնարան հիմնելու առաջարկով Եփրեմ կաթողիկոսը 1819 թ. դիմում է Կազանի համալսարանի պրոֆեսորի ընթերակա Մանասեին: Վերջինս այդ մասին հայտնում է Կազանի ուսումնական օկրուգի հոգաբարձու Մ. Մաքսիցկուն, որը և շուտով Կազանի համալսարանի խորհրդից դիմ ձեռք է բերում ուսումնարանի բացման թույլտվությունը: Մանասեը 1820 թ. ապրիլի 17-ի նամակով Եփրեմ կաթողիկոսին տեղեկացնում էր, որ ուսումնական հաստատությունների կանոնադրության համաձայն իրեն արդեն հաջողվել է ներկա տարվա մարտի 14-ին բացել Ղզլարի գավառական ուսումնարանը: Ուսումնարանի հիմնադրման տարուց (1818 թ.), ավելացնում է ընթերական, շատերն արդեն հասու են դասավանդվող առարկաներին, իսկ ներկայում ուսումնարանն ունի 90 աշակերտ, որոնց մեծամասնությունը հայեր են<sup>14</sup>: Նույն այս նամակից տեղեկանում ենք, որ Մանասեը մտադիր էր նույնատիպ ուսումնարան հիմնել նաև Մոզդոկում: Միաժամանակ, նա կաթողիկոսին առաջարկում էր Ղզլարի և Մոզդոկի հայ հասարակությանը ներշնչել, որ նրանք ոչ միայն լիովին օգտվեն կառավարության ընձեռած շնորհից, այլ իրենք ևս օգնեն: Եվ իրոք, տասնամյակներ շարունակ, Ղզլարի գավառական քաղաքային ուսումնարանը հանդիսացել է հայ համայնքի կրթական կարևոր օջախներից մեկը, որտեղ հարյուրավոր հայ պատանիներ (հիմնականում ունևոր խավերից) նախնական կրթություն են ստացել: Կովկասյան մարզի ուսումնարանների դիրեկտորի 1840 թ. հունիսի հաշվետվության մեջ նշվում էր, որ Ղզլարի գավառական ուսումնարանի 4 դասարաններում սովորում էին 70 աշակերտներ, որոնք մեծ մասամբ հայ ազնվականների և վաճառականների երեխաներ էին<sup>15</sup>, 1860-ական թթ. ուսումնարանում կրթություն էին ստանում 100-ից ավել աշակերտներ, որոնցից 2/3-ը քաղաքի հայերի, թաթարների ու վրացիների երեխաներն էին և միայն 1/3-ը՝ «սլոբոդկայի» ռուսներին<sup>16</sup>:

Ղզլարահայ հասարակությունը բազմապիսի օգնություն է ցույց տվել ուսումնարանին: Բազմիցս ուսումնարանի հոգաբարձուի պաշտոնում ընտրվել են հայ համայնքի վերնաշերտին պատկանող ոչ միայն ուսյալ, այլև անւոր անձինք, որոնք և զգալի միջոցներ են ներդրել աշակերտների և ուսուցիչների նյութական ապահովման, վարժատան կառուցման և վերանորոգման, գրականության, գրենական պիտույքների հայթայթման և այլ գործերում: Ուսումնարանի մշտական և անխափան աշխատանքը ապահովելու նպատակով 1820 թ. Ղզլարի հայկական, վրացական և թաթարական համայնքները (ուսումնական հաստատությունների վերաբերյալ կանոնադրու-

<sup>13</sup> Նույն տեղում:

<sup>14</sup> Նույն տեղում, ըզթ. 36, վավ. 89:

<sup>15</sup> ГАКК, ф. 427, оп. 1, д. 201, л. 5.

<sup>16</sup> «Кавказ». 1864. № 95.

թյան համաձայն) որոշում են ընդունում քաղաքային եկամուտներից ուսումնարանին հատկացնել տարեկան 500 ռ., այդ գումարի ստացման և հանձնման հսկողությունը հանձնելով Ղլարի հայկական դատարանին<sup>17</sup>։ Նկատի ունենալով, որ դպրոցը գտնվում է քաղաքից դուրս և քաղաքից կտրված է, ղլլարահայ մեծահարուստ Գասպար Մամաջանյանը 1860-ական թթ. սկզբներին խոստանում է դպրոցը փոխադրել քաղաք և սեփական գումարով տուն վարձել դպրոցի համար։ Սակայն ինչ-ինչ պատճառներով դա չի իրագործվել<sup>18</sup>։ Ղլարի գավառական դպրոցի վերատեսուչ Դ. Բոգդանովիչի 1867 թ. կաթողիկոսին հղած զեկուցագրից տեղեկանում ենք, որ դպրոցը տեղավորված էր պետական շենքում, ուներ 138 աշակերտ (ըստ ազգույթյունների չի նշվում), իսկ ուսուցիչների թվում էին հայոց կրոնականաց 1 ուսուցիչ և 1 հայոց լեզվի ուսուցիչ։ Դպրոցը ունեցել է հարուստ գրադարան, բաղկացած 878 գրքից<sup>19</sup>։ 1825 թ., Լազարյանների հոգաբարձությանը, ղլլարահայերի խնդրանքով և դպրոցական իշխանությունների թույլտվությամբ Ղլարի գավառական ուսումնարանում, հայոց լեզվի ուսուցչի, իսկ 1826 թ. ուսումնական մասի հոգաբարձուի պաշտոնով աշխատանքի է անցել Լազարյան ճեմարանի շրջանավարտ Պողոս Ասլանովը<sup>20</sup>։ Կովկասյան ուսումնարանների դիրեկցիայի ներկայացրած ծառայողական ցուցակի համաձայն Պ. Ասլանովը լիարժեք տիրապետել է ռուսերեն և հայերեն լեզուներին, թարգմանություններ է կատարել լատիներենից, ֆրանսերենից և գերմաներենից<sup>21</sup>։

Հետագայում Ղլարի գավառական ուսումնարանում հայոց լեզվի և կրոնի դասավանդումը դադարեցվել է (նույնը կատարվել է նաև Մոզդուկի գավառական ուսումնարանում)։ Եվ միայն 1848 թ. կախերական կարգադրությունից հետո Կովկասյան ուսումնարանների հոգաբարձությունը ներսև կաթողիկոսին տեղեկացրել է, որ «...սահմանեցեալ է զի յայնուսիկ նահանգս կամ ունեզս յորս գտանին յազգէ հայոց արտաքոյ հասարակական նպատակայն եղիցի և ըստ լեզուի հայոց ուսումն»։ Աստրախանի վիճակավոր Բարսեղ արքեպիսկոպոսին ուղղված կաթողիկոսի 1850 թ. հայտարարության մեջ նշվում էր, որ կարգադրության համաձայն պետք է ընտրել հայ հոգևորականներից արժանավորներին և հայոց լեզվի ու կրոնի ուսուցիչ կարգել ինչպես Ղլարի, այնպես էլ Մոզդուկի գավառական ուսումնարաններում<sup>22</sup>։ Դարավերջին, երբ Ղլարում ձախողվեց ռեալական ուսումնարանի հիմնադրումը, որն ունենալու էր այգեգործության և գինեգործության բաժիններ, փորձ արվեց նման կուրսեր բացել քաղաքային ուսումնարանին կից։ Թերեքի մարզի ժողովրդական ուսումնարանների դիրեկտորը 1889 թ. Կովկասի ուսումնական օկրուգի հոգաբարձուին հայտնում է, որ Ղլարի քաղաքային ուսումնարանի տնօրենն իրեն տեղեկացրել է, որ ղլլարահայ Ս. Վարդանովը զգալի գումար է նվիրաբերել ուսումնարանում շերամապահական կուրսեր բանալու նպատակով։ Նա գործին մասնակից է դարձրել հմուտ մետաքսագործ Առուստամովին, որն էլ խոստացել է ուսումնարանին օգնել իր ցուցմունքներով և խորհուրդներով, որպիսիք անհրաժեշտ կլինեն մետաքսի որդի աճեցման և մշակման դժվարին գործում<sup>23</sup>։ Ղլլարահայերի արդյունաբերությանը բնորոշ նման մասնագիտական կուրսերի և համապատասխան գիտելիքների ձեռքբերման անհրաժեշտությունը Ղլլարում վաղուց էր զգացվում։ Դարավերջին այդ հարցը հասունացել և լուծման կարիք ուներ, ուստի պատահական չէ, որ գործին կրկին մասնակից էին դառնում

<sup>17</sup> ГАСК, ф. 79, оп. 1, д. 278, л. 1.

<sup>18</sup> «Кавказ», 1864, № 95.

<sup>19</sup> ՄՄ, կաթ. դիվան, թղթ. 206, վավ. 1961:

<sup>20</sup> Сб. Собрание актов. Т. III, М., 1838, с. 14.

<sup>21</sup> ГАСК, ф. 427, оп. 1, д. 101, л. 206.—3.

<sup>22</sup> ՄՄ, արխիվ Ա. Երեցյանի, թղթ. 154, վավ. 169:

<sup>23</sup> Վրացական հՍՀ ԿՊՊԱ, ֆ. 422, ց. 1, գ. 3580, թ. 1:

ղղլարահայերը, համեմատաբար ուշ, բայց ճիշտ պատկերացնելով մասնագիտական գիտելիքների, դրանք տնտեսական կյանքի բարելավմանն ուղղելու անհրաժեշտությունն ու հրատապությունը:

Ղղլարի հայ համայնքի կրթական կյանքում նշանակալի երևույթ էր ճեմարանավարտ Հակոբ և Դավիթ Արզանով եղբայրների կողմից մասնավոր պանսիոնի հիմնադրումը: Այդ գործի հետ կապված մանրամասների քննությունը ուշագրավ է այն առումով, որ պատկերացում է տալիս Ղղլարահայ հասարակական կյանքում տեղ գտած որոշ հակասական երևույթների և այն մտայնության մասին, որ առավել բնորոշ էր XIX դարի առաջին կեսի հյուսիսկովկասյան հայ գաղթավայրերին: Մասնավոր ուսումնարանի բացման նախաձեռնողները Ղղլարահայերն էին, որոնք զգալով լեզուների իմացության և գիտության անհրաժեշտությունը լուսավորյալ Եվրոպայի պայմաններում և ցանկանալով Ղղլարում ունենալ ուսումնական հաստատություն, դիմել էին Լազարյան ճեմարանի շրջանավարտ Արզանով եղբայրներին և ստացել էին նրանց համաձայնությունը<sup>24</sup>: 1827—1828 թթ. ժամանակահատվածում Կովկասյան մարզի պետին հղած մի շարք խնդրագրերում Ղղլարահայերը տեղեկացնում են կողմերի նախնական պայմանավորվածություն և համաձայնության մասին, խոստանալով վճարել աշակերտների ուսման սարքերի վարձը, ուսումնարանի համար պատրաստել հարմարավետ շենք և այն ապահովել համայնքի միջոցներով<sup>25</sup>: Միաժամանակ Ղղլարահայերը խնդրում էին մարզի պետի միջնորդությունը խարկովի կայսերական համալսարանի ղեկավարության առջև՝ մասնավոր պանսիոնի բացման թույլտվությունը շուտափույթ ստանալու համար<sup>26</sup>: 1828 թ. հունիսի 7-ին Ղղլարահայերը նույնատպ խնդրագրի են հղում նաև խարկովի կայսերական համալսարանին: Արզանով եղբայրները 1828 թ. օգոստոսին արդեն ժամանել էին Ղղլար և ձեռնարկել էին պանսիոնի բացման աշխատանքները:

Կովկասյան ուսումնարանների դիրեկտոր Ե. Գրուբերը 1829 թ. հունիսին Կովկասյան մարզի պետին հայտնում է, որ Ղղլարում մասնավոր պանսիոնի բացման թույլտվություն ստանալու նպատակով ինքը մի քանի անգամ արդեն դիմել է խարկովի համալսարանի կոմիտեին, մանրամասն բացատրելով պանսիոնի բացման օգտակարությունը ոչ միայն Ղղլարի, այլև ամբողջ Կովկասյան մարզի համար և հույս ունի, որ հարցը շուտով դրականորեն է լուծվելու<sup>27</sup>: Ի վերջո, իշխանությունների թույլտվությամբ, 1829 թ. աշնանը Ղղլարի մասնավոր արական պանսիոնը բացվում է: Փաստագրերը հավաստում են, որ Արզանով եղբայրները եռանդ ու միջոց չեն խնայել հայրենակիցներին օգտակար լինելու համար, արժանացել են քանիցս նրանց պանսիոնը այցելած մարզի պետի, Կովկասյան ուսումնարանների դիրեկտորի և Դոբրպատի համալսարանի պրոֆեսոր Պարրոտի գովասանքներին: Ցավոք, պանսիոնի գոյությունը կարճատև է եղել: Զորսամյա դասընթացը դեռ չավարտած, երրորդ տարում՝ 1831 թ. աշնանը արական ուսումնարանը փակվել է, իսկ Արզանով եղբայրները, սկզբում կրտսերը՝ Դավիթը, ապա ավագը՝ Հակոբը մեկնել են Թիֆլիս, տեղի սեմինարիայում աշխատանքի անցնելու նպատակով<sup>28</sup>: Ղղլարահայերը, այդ թվում Մոզգոկի քաղաքային ուսումնարանի հոգաբարձու Երուսալիմսկին, Ղղլարի գավառական ուսումնարանի հոգաբարձու Խոջաևը և ուրիշներ, խարկովի համալսարանի ուսումնական կոմիտեին հղած 1832 թ. բողոքագրերում նշում էին, որ պանսիոնը փակվել է ինքնակամ, առանց որևէ պատճառի, ուսումնարանում տեղ գտած թերությունների համար մեղադրում էին Արզանով եղբայրներին, պահանջելով վերադարձնել ուսումնառության համար մուծված գումարը, քանի որ այն կի-

<sup>24</sup> ГАСК, ф. 79, оп. 1, д. 604, л. 1.

<sup>25</sup> Նույն տեղում, գ. 340, ք. 3:

<sup>26</sup> Նույն տեղում, գ. 604, ք. 1 հադ.:

<sup>27</sup> Նույն տեղում, ք. 5:

<sup>28</sup> ГАСК, ф. 427, оп. 1, д. 136, л. 10.

սառ: է մնացել<sup>29</sup>, հոշակը գրում էր, որ 1831 թ. նոյեմբերի 1-ին, Ղլարի վրա չեղնների հանկարծահաս հարձակումից հետո, Արզանով եղբայրները դադարեցրել են ուսումնառությունը, այդ մասին նախօրոք չհայտնելով ոչ միայն դպրոցական իշխանություններին, այլև աշակերտների ծնողներին<sup>30</sup>։ Իրականությունը մոտ և առավել համոզեցուցիչ էին Արզանով եղբայրների ներկայացրած փաստարկները։ Խարկովի համալսարանի կոմիտեին և Կովկասյան ուսումնարանների դիրեկտորին հղած 1832 թ. խնդրագրերում ներառված էին մի շարք աննախագիշտ հանգամանքներ, որոնք և պանսիոնի փակման պատճառ դարձան։ Խոլերայի համաճարակի, ապա և չեղնների հարձակման հետևանքով քաղաքում ստեղծված անհանգիստ իրավիճակի պայմաններում, գրում էին Արզանով եղբայրները, ծնողներից շատերը խոստովում էին երեխաներին ուսումնարան ուղարկելու Տեսնելով, որ ոչ միայն չեն թույլատրում դպրոց հաճախել, այլև առանց մեր գիտության ուղարկում են այլոց մոտ մասնավոր պարապմունքների, գրում է եղբայրները։ Կրտսերը, պահանջեցինք նախորդ տարիների համար չմոծված ուսման վարձը, որից, սակայն, ղլարցիները հրաժարվեցին, պատճառաբանելով, որ իբր երեխաները հիվանդությունից պատճառով երկար ժամանակ դպրոց չեն հաճախել և այլն<sup>31</sup>։ Արզանով եղբայրների խնդրագրերում բերված մյուս փաստարկները՝ ուսման վարձի ոչ ժամանակին մոծումը կամ ձգձգումը, դպրոցը ապահովելու ղլարահայերի խոստումների ոչ միշտ կատարումը և նրանց անհարկի միջամտությունները ուսման ընթացքին, հիբրալի, խոսում էին ոչ ղլարահայերի օգտին։ Նրանց ժամանակավոր ոգեվորությունը տեղի էր տվել անտարբերության։ Վճռական պահին ղլարահայ մեծահարուստները սատար չեղան Արզանով եղբայրներին, և դա այն դեպքում, երբ պանսիոնից փաստորեն օգտվում էին միայն ունևոր ղլարահայերը, յուրաքանչյուր աշակերտի համար վճարելով տարեկան 400 ռուբլի։ Իրողությունն այն է, որ նման վերաբերմունքից վերավորված Արզանով եղբայրները հրաժարվեցին ուսուցումը հետագայում շարունակելու մտքից և հեռացան քաղաքից։

1836 թ. մարտի 11-ի «Կանոնադրության» համաձայն և հաշվի առնելով նաև Աստրախանի թեմակալի դրական վերաբերմունքը, էջմիածնի սինոդը 1837 թ. հունիսի 2-ի նիստում թեմակալին կարգադրում է Ղլարում բացել օխական դպրոց, որտեղ սովորելու էին Ղլարի և շրջակա վայրերի հայ հոգևորականների երեխաները։ Աստրախանի առաջնորդի պաշտոնակատար Բարաեղ արքեպիսկոպոսի բացատրականից տեղեկանում ենք, որ Ղլարի հոգևոր ծխական ուսումնարանը բացվել է 1840 թ., «...յորում կարգեցեալ վարժապետք երկուց լեզուաց հայոց և ռուսաց և վերակացու նորին...»<sup>32</sup>։ Սակայն դպրոցը նյութական միջոցների սղություն պատճառով մի քանի անգամ փակվել է։ Էջմիածնի սինոդը նախապես հաստատել և պատվիրել էր կոնսիստորիային հոգևոր դպրոցների (Աստրախանի սեմինարիայի և Ղլարի հոգևոր դպրոցի) պահպանության միջոցները ստանալ «...յարդեանց եկեղեցեայց վիճակիս Աստրախանու և Կովկասու», յուրաքանչյուրի համար սահմանելով համապատասխան գումար, սակայն 1848 թ. կոնսիստորիան նկատելով, որ վիճակի եկեղեցիները չեն վճարում, ավելի ճիշտ է վիճակի չեն տալ սահմանված դրամը և սակավամուտք դրամոյն ոչ կտրէին ծածկել զծախս նոցին», որոշում է ընդունում դպրոցները փակելու վերաբերյալ<sup>33</sup>։ Վավերագրերի վկայությամբ, Ղլարի ծխական ուսումնարանը հաստատուն հիմքերի վրա է դրվել միայն դարի 60-ական թթ., մինչ այդ մի քանի անգամ փակվելով և վերաբացվելով։ Թերևս բարդություններից մեկը ուսումնարանի

29 Նույն տեղում, թ. 1—10։

30 Նույն տեղում։

31 Նույն տեղում, թ. 46—47։

32 ՄՄ, կաթ. դիվան, թղթ. 162, վավ. 306։

33 ՀՆՍՀ ԿԳՊԱ, ֆ. 52, ց. 1, գ. 1279, թ. 15։

շինության հարցն էր: 1847 թ. ղզլարահայերը, ապա և տեղի եկեղեցու երեցփոխ Գ. Խոջաևը կաթողիկոսին գրում են, որ տեղեկացել են Ղզլարում կառուցվելիք «...զմեծ ու վայելուչ շինուածոյ ուսումնարանի» մասին, և ոգևորված դրանից, նրանք գնել և ձրիաբար էջմիածին են առաքել 50 հատ ընտիր ուղտ<sup>34</sup>, Հետագայում ևս Ղզլարի դպրոցը գոյատևել է մասնավոր անձանց օժանդակութամբ և միջոցներով, որոնք կառուցել են դպրոցական շինությունը, հոգացել են ուսումնարանի ծախքերը, ոչ միայն ուսուցիչներ են հրավիրել Ղզլար, այլև սեփական ծախքով որդեգիր պատանիներ են ուղարկել Ներսիսյան դպրոց և Լազարյան ճեմարան՝ ապագայում սեփական կադրեր ունենալու նպատակով: 1852 թ. մայիսին Ներսես կաթողիկոսը Ներսիսյան դպրոցի հոգաբարձությանը հայտնում է, որ Ղզլարի երկրորդ կարգի վաճառական Պ. Սամվելյանը Թիֆլիսի բանկ է ուղարկել 1500 ռ. գումար, որի տոկոսներով «...մինն ի յորդուց քահանայից ղզլարայ ունիցի ուսանել ի մերում ուսումնարանի»: Տեղեկացնում է նաև, որ ղզլարահայերը «առաքեալ են վասն ուսանելոյ ի նմին ուսումնարանի ի կարգի որդեգրաց և զորդի տեր Մկրտիչ քահանայ Պոպովյանց Սահակ 16 ամաց» և հոգաբարձությանը պատվիրում է ընդունել նրանց «...ի թիւս աշակերտաց պենսիոնի»<sup>35</sup>: 1856 թ. Ներսիսյան դպրոցն ավարտած Ս. Պոպովյանցն ու Մ. Սահակյանցը նամակով դիմում են Ղզլարի հայոց եկեղեցիների կարգապահ Ստ. քահանա Ֆիլյանցին՝ Ղզլարի ծխական դպրոցում ուսուցչի պաշտոն ստանձնելու կապակցությամբ: Վերջինս, ոգևորված շրջանավարտների ազգագուտ առաջարկից, հայտարարութամբ դիմում է կաթողիկոսին և խնդրում հնարավորության դեպքում նրանց ուսուցիչ կարգել Ղզլարի դպրոցում: Ստ. Ֆիլյանցը առաջարկում է դպրոցում ունենալ նաև «...յորդուց աշխարհականաց, ոչ ավելի քան զ25 վարձաւոր աշակերտս», որոնցից՝ 5 աշակերտների վարձը կօգտագործվի դպրատան կարևոր ծախսերը հոգալու համար, իսկ մյուս 20 աշակերտների վարձը կբավականացնի ուսուցիչներին<sup>36</sup>: Փաստորեն, հոգևորականների երեխաներից բացի Ղզլարի ծխական դպրոց կարող էին ընդունվել նաև աշխարհականների երեխաները: Ղզլարահայերը 1857 թ. համախոսականում հայտնելով Մ. Սահակյանցին տեղի դպրոցում ուսուցիչ կարգելու իրենց ցանկության մասին, ավելացնում էին, որ «...առավել ևս նա է պիտոյ վարժապետութեան, որոյ ունիմք մեկ կարոտութիւն վասն մանկանց թե հոգևորականաց և թե աշխարհականաց»<sup>37</sup>, Աստրախանի վիճակի առաջնորդի հայտարարություններից մեկում (1860 թ.) նույնպես հիշատակվում էր, որ Ղզլարում խիստ սակավ էին հոգևորականների որդիները, իսկ փոխարենը «...մանկունք աշխարհական անձանց» մեծամասնությունն էին կազմում ուսումնարանում<sup>38</sup>:

Դպրատան հարցը, ինչպես նշեցինք վերևում, կրթական գործի կազմակերպման բնագավառում թերևս ամենակարևոր հարցերից էր: 1840-ական թթ. վերջերին խոստացված դպրատունը թեև պատրաստվել էր Ս. Աստվածածնա եկեղեցու գավթում, բայց այդպես էլ փակ էր մնացել՝ միջոցներ չլինելու պատճառով: Այդ մասին էր հիշատակում Ղզլարի հայոց եկեղեցիների կարգապահ Ֆիլյանցը կաթողիկոսին (1856 թ.), նշելով, որ եթե անհնար է դպրոցը պահել եկեղեցու արդյունքներով, ապա «...պարտաւորիմք զայն մեք հոգալ, եթէ գուցէ յաշխարհականաց գտանիցեն նուիրատուք և այլ վասն մանրամաս ծախուց դպրատան»<sup>39</sup>: Այդպիսի առաջարկությամբ 1859 թ. թեմի առաջնորդին է դիմում Ղզլարի Ս. Լուսավորիչ եկեղեցու երեցփոխ Գ. Բայնդուրովը, հայտնելով, որ նախապես մտադիր էր եկեղեցու բակում մի

34 ՄՄ, կաթ. դիվան, թղթ. 129, վավ. 137, թղթ. 136, վավ. 577:

35 ՄՄ, արխիվ Ալ. Երեցյանի, թղթ. 148, վավ. 289:

36 ՄՄ, կաթ. դիվան, թղթ. 181, վավ. 19 I, 12 II:

37 ՀեՄՀ ԿԳՊԱ, ֆ. 52, ց. 1, գ. 1272, թ. 16:

38 ՄՄ, կաթ. դիվան, թղթ. 190, վավ. 36:

39 Նույն տեղում, թղթ. 181, վավ. 19 II:

քանի սենյակ պատրաստել աղքատանոցի համար, իսկ այժմ որոշել է պատրաստվելիք սենյակները տրամադրել ծխական ուսումնարանին և խնդրում է թույլատրել ձեռնարկել դրանց շինությունը: Պատասխան նամակում առաջնորդը գրում էր, որ գերադասելի է ուսումնարանի համար 8 սենյակների կառուցումը, ուստի թույլատրում և հորդորում էր առաջիկա գարնանը ձեռնամուխ լինել այդ ազգօգուտ շինությանը<sup>40</sup>: Մաթևոս կաթողիկոսը 1860 թ. ապրիլի 1-ի կոնդակով թույլատրում էր Ղլլար քաղաքում բացել առանձին ծխական ուսումնարան, հոգաբարձությանը ղլլարահայ ազնվական, փոխգնդապետ Հ. Քանանյանցի, որը խոստացել էր սեփական ծախքով, սնոյնպես և այլոց բարեպաշտից օժանդակութեամբ և գործակցութեամբ» ապահովել դպրոցը: Ղլլարահայերի և հոգաբարձության խնդրանքով դպրոցում ուսուցիչ էին կարգվելու վերը հիշատակված Ս. Պոպովյանցն ու Մ. Սահակյանցը<sup>41</sup>, Այդուհանդերձ, մեզ անհայտ պատճառներով Ղլլարում ծխական դպրոցի բացումը ձգձգվել է ես մեկ տասնամյակ: Դպրոց չլինելու պատճառով ղրգլլարահայերն իրենց մանուկներին ուղարկել են մասնավոր վարժատները: Վավերագրերից մեկում (1868 թ.) հիշատակվում են Հովհ. Քուչուբեկյանցի, Խ. Աստվածատրյանցի, Հ. Իսամալյանցի և Ս. Ղորղանյանցի «մասնավոր կրթարանք», որոնցում հայոց և ռուսաց լեզու են ուսանել ղլլարահայ 85 մանուկներ<sup>42</sup>: Աշակերտների ուսուցումը հաստատուն հիմքերի վրա դնելու նպատակով 1868 թ. մայիսին հետևում է Աստրախանի կոնսիստորիայի հրամանը՝ մինչև ծխական դպրոցի շենքի կառուցումն աշակերտներին ժողովել և զետեղել հարմարավետ բնակարանում: Ընտրել 2 հոգաբարձու, ուսուցիչների տարեկան վարձը նշանակել 3 եկեղեցիների արդյունքներից: Հրամանով նախատեսվում էր I և II դասարաններում ուսուցիչներ նշանակել Հովհ. Քուչուբեկյանցին և Ս. Ղորղանյանցին, իսկ III դասատան պարապեցի իբրև կրոնուսուց և դասասաց քերականական արհեստից ինքն նախաճամ Աղամ վարդապետ տեղի նիկողոսեանց»<sup>43</sup>: Նույն թվականին, ի պատասխան կաթողիկոսի կոնդակի, հետևում է Մ. Մամաջանյանի և Ղլլարի հայ հասարակության գրությունը կաթողիկոսին այն մասին, որ արդեն ընտրվել են 5 գործունյա և հմուտ հոգաբարձուներ, որոնք պարտավոր են նվիրատվություններ հավաքել և ձեռնարկել ուսումնարանի տան շինությունը եկեղեցու գավթում<sup>44</sup>:

1870 թ. օգոստոսին Ղլլարի հայոց հոգևոր վարչությունը հայտնում է կոնսիստորիային, որ ազգային ուսումնարանի շինության օգտին հանգանակություն անելու նպատակով թեմակալի կողմից 1868 թ. հոգաբարձուներ կարգված Ստ. Ֆիլյանցն ու Խ. Աստվածատրյանցը մի քանի տարվա ընթացքում նկատելի գումար են ժողովել և արժանի են պարգևատրման թի հորդոր և ի խրախույս այլոց յանձնանվելի ծառայութեան և ի յավետ առաջադիմութեան ազգաշահ և ի վսեմ գործա»<sup>45</sup>: Ի վերջո, 1871 թ. մայիսի 30-ին, հանդիսավոր պայմաններում բացվում է Ս. Լուսավորիչ եկեղեցու բակում կառուցված, քարաշեն հայոց ուսումնարանը, որի հիմքը դեռևս 1867 թ. օրհնել էր Ղլլար այցելած Գևորգ կաթողիկոսը: Ղլլարի հայ հասարակությունը զանազան առիթներով և տարբեր ժամանակներում դպրոցի կառուցմանը նվիրել էր նշանակալի գումար՝ շուրջ 9000 ռուբլի<sup>46</sup>: Շուտով այստեղ են փոխադրվում 1868 թ. դասընթացը սկսած ծխական դպրոցի սաները: Ղլլարի հայոց հոգևոր դպրոցի հոգաբարձության (հիշատակվում են՝ հոգաբարձու և տեսուչ, բժիշկ Անանիա Սուլթան-Շահը, տեսուչի օգնական Ա. Կաճկաճյանը, Հովհ. Քուչուբեկյանցը, Մ. Քալանթարյանցը) 1871 թ. ուսումնական

<sup>40</sup> Նույն տեղում, թղթ. 189, վավ. 101:

<sup>41</sup> Նույն տեղում, թղթ. 190, վավ. 3:

<sup>42</sup> Նույն տեղում, թղթ. 206, վավ. 2094:

<sup>43</sup> Նույն տեղում:

<sup>44</sup> Նույն տեղում, թղթ. 206, վավ. 2060:

<sup>45</sup> ՀեՍՀ ԿԳՊԱ, ֆ. 52, ց. 1, գ. 821, թ. 9—10:

<sup>46</sup> «Արարատ», 1871, № 3, էջ 185—186:

մասի հաշվետվությունից տեղեկանում ենք, որ ընթացիկ տարվա սկզբին դպրոցն ունեցել է 173 աշակերտ, որից 13-ը հոգևոր, 90՝ թոշակառու, 70՝ ձրիավարժ: Առանց ուսումնական տարեկանի դուրս էին մնացել 25 աշակերտ, իսկ տարվա վերջին դպրոցն ուներ 148 աշակերտ<sup>47</sup>: Ուսումնարանն ուներ 3 դասարան և մի նախակրթական բաժին, որոնց սպասարկում էին 5 ուսուցիչներ և մի վերակացու: Նախապատրաստական բաժնում կամ դասարանում ուսուցանում էին հայոց և ռուսաց լեզվի ընթերցանություն (ըստ նկատողական ձևով): Առաջին դասարանում ուսանում էին կրոնից՝ սկզբնական գիտելիք հավատո, հայոց լեզվից՝ քերականության առաջին մասը և թարգմանություն ավետարանի (գրաբարից աշխարհաբար), ռուսաց լեզու՝ գրել և կարդալ, թվաբանություն մինչև կոտորակը, ռուսերեն և հայերեն վալելազգրություն: Երկրորդ դասարանում վերը նշված առարկաներին ավելանում էին աշխարհագրությունը, ընդհանուր պատմությունը, ազգային պատմության ընդարձակ դասընթացը: Հաշվի առնելով ուսման հանդեպ աշակերտների ձգտումը, հոգաբարձությունը տարվա կեսերին բացում է նաև III դասարանը, որտեղ առարկաները համեմատաբար բարդացվում են և ավելանում է եկեղեցական երգեցողությունը: Բացի այդ, դպրոցի աշակերտներից կազմվել էր 2 խումբ՝ եկեղեցական երգեցողության համար: Ուսուցիչներ էին վարձվել Գ. Տեր-Իշխանյանցը և Ս. Ղորզանյանցը՝ եկեղեցիների համար երգչախումբ պատրաստելու նպատակով<sup>48</sup>: Տալիներ շարունակ դպրոցի պահպանության աղբյուրներն էին քաղաքի 3 եկեղեցիների դրամագլխի տոկոսները, թոշակառու աշակերտների վարձը և ժողովրդի նվիրատվությունները: 1870-ական թթ. սկզբներին Ղզլարի ազգային հոգևոր դպրոցը հիմնել էր նաև աշակերտական և հիմնական մատենադարաններ (գրադարաններ), որոնցում պահվում էին զանազան բովանդակության 821 գրքեր, այդ թվում աստվածաբանական գրքեր՝ 47 հատ, պատմական՝ 49, բանասիրական 33, բուսական՝ 12, մանկավարժական՝ 21, աշխարհագրական՝ 4, թվաբանական՝ 5, երաժշտական՝ 4, բառգիրք մեծ՝ 4, դասականների աշխատություններ, հայերեն և ռուսերեն զանազան լրագրեր, մասագրեր և այլն<sup>49</sup>: Ուշագուշակ է այն է, որ հոգևոր դպրոցի գրադարաններում գերիշխել է աշխարհիկ գրականությունը: Սա, թերևս, բացատրվում էր ազգային դպրոցի թե՛ նպատակով և թե՛ կրթության ուղղությամբ ու բովանդակությամբ: Մատենադարանի հիմնադրմանը դրամական նվիրատվություններով կամ գրքեր նվիրելով զգալի օգնություն են ցույց տվել Ղզլարահայ մեծահարուստներից շատերը՝ դպրոցի նախկին հոգաբարձու Մ. Մամաջանյանը, Ս. Իզմիրյանը և ուրիշներ: Դրադարաններին գրականություն է ուղարկվել նաև Լազարյան ճեմարանի ուսուցիչ Սմբատ Շահազիզից, Թիֆլիսի գրքավաճառ Կարդանյանից, Հովհ. Սահրադյանից (Աստրախան) և այլն:

XIX դարի 70-ական թթ. կեսերին Ղզլարի հոգևոր ուսումնարանը բավական բարգավաճել էր և ընդարձակել իր ուսումնատվության շրջանակները: Հոգաբարձության վկայությամբ այնտեղ «...առանդին լեզուք և առարկայք ըստ կանոնի թեմական դպրոցաց ընդարձակ դասախոսություններով»<sup>50</sup>: Ղզլարի հոգևոր դպրոցի հոգաբարձուները կաթողիկոս Գևորգ IV-ին ուղղված 1874 թ. հոկտեմբերի խնդրագրում մատնանշում էին, որ վիճակում տակավին չկա թեմական դպրոց, որն ի վիճակի լիներ բավարարել ժողովրդի ուսումնական կարիքները: Ղզլարի դպրոցը, ավելացնում էին նրանք, ինչպես և դա երևում է դպրոցի կանոնադրությունից, կրթության մատակարարման տեսակետից հասել է թեմականին և խնդրում էին կաթողիկոսի

47 Նույն տեղում, 1872, էջ 168—169: Տե՛ս նաև՝ ԼԻԴԱ СОАССР, փ. 12, օր. 1. Դ. 194, յ. 4.

48 Տե՛ս ՄՄ, կաթ. դիվան, թղթ. 225, վավ. 22:

49 «Արարատ», 1872, № 3, էջ 128—131:

50 ՄՄ, կաթ. դիվան, թղթ. 225, վավ. 22:

հրամանը՝ «վերածել զգյրոցն լաստիճան թեմականի»<sup>51</sup>։ «Ղլարահայերի կարծիքով, ունենալով այդ արտոնությունը, դպրոցն առավել ևս կծաղկեր և պողաբեր կլիներ իրենց թեմի համար, որտեղ կսովորեին նաև այլ քաղաքների ծխական դպրոցների աշակերտները, իսկ ավարտելուց հետո կամ կանցնեին հոգևոր կոչման կամ էլ ուսումը կշարունակեին էջմիածնի նորաբաց ճեմարանում։ Պատասխան գրությունում (1874 թ. հուլիս) կաթողիկոսն արժանի և պատշաճ համարելով ղլարահայերի խնդրանքը, նշում էր, թե ինքը հուսով է, որ այն կկատարվի հաջողությամբ և վիճակավոր դպրոցն օգտակար կլինի ոչ միայն մանուկների կրթությանը, այլև բարեկրթության աղբյուր կդառնա ողջ թեմի համար»<sup>52</sup>։ Աղբյուրներից մեկում թեև տեղեկություն կա այն մասին, որ Ղլարի ծխական ուսումնարանը կաթողիկոսի հրամանով փոխարկվել էր թեմական դպրոցի, սակայն ղլարահայերի ցանկությունն իրականում չի իրագործվել։ Թեմական դպրոցի (հոգևոր սեմինարիայի) բացման հարցն արժարծվել է հետագայում ես և միշտ նույն տարակուսանքն է ծագել՝ Աստրախանի թեմի ո՞ր քաղաքին նախապատվություն տալ՝ Աստրախանի՞ն, որ առաջնորդանիստ էր և հարուստ, թե՞ Ղլարին, որն ավելի բազմամարդ էր և որի դպրոցը կարող էր ավելի առաջադիմել։ Առաջարկվել է անգամ Մոզդոկի թեկնածությունը։ Դարավերջին քննարկվել է նաև թեմական դպրոցը Արմավիրում բացելու հարցը, պատճառաբանությամբ, որ այն խոշոր առևտրական կենտրոն էր, գտնվում էր Հյուսիսային Կովկասի հայաբնակ քաղաքների կենտրոնում և ի վիճակի էր նյութապես ապահովել դպրոցը։ Պատահական չէ, որ 1895 թ. Աստրախանում կայացած Հյուսիսային Կովկասի հայաբնակ քաղաքների ներկայացուցիչների խորհրդակցությունում քվեարկության ժամանակ Արմավիրը ըստաջավ 9 ձայն, Աստրախանը՝ 8, իսկ Մոզդոկը՝ ընդամենը 3։ Կամենայով վերջ տալ հարցի հետագա խճճմանը, մոզդոկցիներն իրենց ձայնը տալիս են Աստրախանցիներին և հարցը, փաստորեն, վճռում հօգուտ Աստրախանի»<sup>53</sup>։

Դպրոցի (վավերագրերի մի մասում սխալմամբ հիշատակվում է «Թեմական արական հոգևոր դպրոց հայոց Ղլարայ») մուտքի և ելքի հաշվեմատյաններից (1878 թ.) տեղեկանում ենք, որ ուսումնարանի մուտքի գումարները հիմնականում գոյանում էին եկեղեցական հասույթներից։

Միայն 1878 թ. Ղլարի հայկական եկեղեցիներն արական դպրոցի պահպանության համար հատկացրել էին 1587 ռ., չհաշված եկեղեցական տոների և ծեսերի ժամանակ հավաքված զանազան գանձանակադրամները<sup>54</sup>։ Նկատելի գումար էր կուտակվում ղլարահայ (և ոչ միայն ղլարցի) մեծահարուստների զանազան առիթներով դպրոցին ընծայած նվիրադրամներից, որոնք տոկոսաբեր դրամատոմսակների ձևով գտնվում էին Ղլարի Մամաջանյան հասարակական բանկում և այլ պետական ու մասնավոր բանկային հաստատություններում<sup>55</sup>։ Մուտքի գումարները գոյանում էին նաև աշակերտների ուսման վարձից (հաշվետվությունից պարզվում է, որ մեկ աշակերտի համար տարեկան վարձը 8 ռուբլի էր), տարբեր գրքերի վաճառքից և այլն։ Ծախսերի մեջ մտնում էին ուսուցիչների վարձատրումը, դպրոցի պահապանի վարձը, զանազան պարբերականների բաժանորդագրման ծախսերը և այլն<sup>56</sup>։

1850-ական թթ. կեսերից ղլարահայերի շրջանում հետզհետե իմաստավորվում և կյանքի է կոչվում հայ օրիորդների ուսման կարևորությունը։ Աղբյուրներից տեղեկանում ենք, որ 1856 թ. ուսումնավարտ մի ռուս կին Ղլարում մասնավոր պանսիոն էր բացել, որտեղ մեծ մասամբ հայ օրիորդ-

<sup>51</sup> Նույն տեղում։

<sup>52</sup> Նույն տեղում։

<sup>53</sup> «Նոր դար», 1894, № 52, էջ 2—3; «Մշակ», 1895, № 68, էջ 3։

<sup>54</sup> ՀեՄՀ ԿԳՊԱ, ֆ. 52, ց. 1, գ. 2799, ք. 5 հալ., գ. 2356, ք. 78։

<sup>55</sup> Նույն տեղում, գ. 2799, ք. 5։

<sup>56</sup> Նույն տեղում, ք. 7։

ներ էին ուսանում՝ բավականաչափ առաջադիմությամբ: Ժամանակակից վրկայությամբ հաջողություններն ավելի կլինեին, եթե ղզլարահայ համայնքը նյութապես օգներ և աջակցեր ուսումնարանի տիրոջը, եթե օրիորդներին անժամանակ չհանեին պանսիոնից (որը սովորություն էր դարձել շատերի մոտ), եթե հայերենի ուսուցիչ-դաստիարակներ հրավիրեին և նպաստեին, որ ուսումնասեր օրիորդները զուրկ չմնային իրենց մայրենի լեզվից<sup>57</sup>: Ռուս հեղինակի վկայությամբ նույնպես (Ա. Ռուսանովսկին է, որը 1860-ական թթ. սկզբներին այցելել է Ղզլար), քաղաքում ժամանակ առ ժամանակ հայ-մուսլիմ էին ուսյալ կանայք, մասնավոր դասընթացներ կազմակերպում, բայց աջակցություն չգտնելով տեղի հայ բնակչության շրջանում, շուտով հեռանում էին Ղզլարից: Առավել ունևոր քաղաքացիներն աղջիկների համար վարձում էին տնային դաստիարակչուհիներ<sup>58</sup>:

Պահպանված տեղեկությունների համաձայն 1872 թ. Ղզլարում բացվել է օրիորդաց ուսումնարան, որի համար նախօրոք տուն էր վարձվել տարեկան 450 ռ. վճարելու պայմանով: Շուտով տեղի հոգևոր դպրոցի հոգաբարձությունն իգական հոգևոր դպրոցի շինության հարցն է բարձրացնում, ցանկանալով մի օրինավոր և հարմարավետ շինություն ունենալ օրիորդաց ուսումնարանի համար և տնտեսել այն 450 ռ., որ տարեկան տրվում էր բոլոր վարձ մասնավոր տանտիրոջը<sup>59</sup>: Հոգաբարձությունը քաղաքային ժողովում հասարակությանը հայտնում է, որ մտադիր է օրիորդաց դպրոցի համար լուսավորիչ եկեղեցու ընդարձակ բակում շինք կառուցել, բայց քանի որ այդ գործի համար հոգաբարձության ունեցած գումարը չի բավարարի, ուստի հոգաբարձությունը խնդրում է հասարակությանը՝ համաձայնել դպրոցական գումարին միավորել և այն միջոցները, որոնք Աստվածամայր եկեղեցու երեցիոսները մտադիր են ծախսել տեղի առաջնորդարանը նորոգելու համար: Այսպիսով, լուսավորիչ եկեղեցու բակում (ուր գտնվում էր արական դպրոցը) կպատրաստվեր իգական դպրոցի շենքը, որի մի հարկում կառուցվեր լուսավորիչ առաջնորդարանը: Ղզլարահայ հասարակությունը թեև տալիս է իր համաձայնությունը գումարները միավորելու համար, սակայն ժողովրդի մի մասը, հատկապես ցածր խավի ներկայացուցիչները, կարգում ենք Ղզլարից «Մշակի» խմբագրությանն ուղարկված նամակում, չհասկացան հոգաբարձության երկուստեք օգտակար առաջարկությունը թե՛ դպրոցի և թե՛ եկեղեցու համար, կրոնական նշանակություն տվեցին հարցին, պնդելով, որ եթե առաջնորդարանը տեղափոխվի իր այժմյան տեղից և գտնվի օրիորդաց ուսումնարանի համար նախատեսված տանը, լուսավորիչ եկեղեցու բակում, ապա Աստվածամայր եկեղեցին կանջքանա և կկորցնի իր ավագության նշանակությունը<sup>60</sup>: Թղթակցություններից տեղեկանում ենք, որ, իրոք, իգական ուսումնարանի շինության հարցը տաք վիճաբանությունների տեղիք է տվել ղզլարահայ հասարակության տարբեր շերտերում: Թերևս իրավացի էին Աստվածամայր եկեղեցու շուրջը խմբված շունևոր ղզլարահայերը, քանի որ աշակերտուհիները, որոնք մեծ մասամբ նրանց դուստրերն էին լինելու, մեծ նեղություններ էին կրելու ձմռան ցրտերին կամ գարնան անտանելի ցեխին բավական հեռավորության վրա գտնվող նորաշեն ուսումնարանը հաճախելիս<sup>61</sup>:

Ղզլարի «Մարիամյան» օրիորդաց ուսումնարանը<sup>62</sup>, տարիներ շարուն-

57 «Ճառքաղ», 1860, Բ, տետրակ 2, էջ 34:

58 «Кавказ», 1864, № 95.

59 «Մշակ», 1874, № 28, էջ 2—3, № 33, էջ 2:

60 Նույն տեղում, 1874, № 33, էջ 2:

61 Նույն տեղում, № 28, էջ 2—3:

62 Դպրոցը «Մարիամյան» է կոչվել Ղզլարի բարեպաշտ տիկին Մարիամ Իզմիրլյանի անունով, որը դպրոցի հիմնադրման տարում նվիրել էր 2000 ռ. («Արարատ», 1872, № 3, էջ 205—206):

նակ շունենալով սեփական դպրոցական շինություն, հարկադրված էր առ-  
դավորվել վարձով, զանազան անհարմար բնակարաններում, որը էապես  
վնասել է ուսումնական գործին: 1883 թ. Ղզլարցի Գ. Մամաջանյանը, որն  
ընտրվել էր օրիորդաց դպրասան շինության հոգարարձու, հասարակությանը  
հայտնում է իգական ուսումնարանին սի շքեղ, երկհարկանի առն ընծայե-  
լու մասին<sup>63</sup>: 1880-ական թթ. վերջերին, ի վերջո այն փոխադրվում է Լուսա-  
վորիչ եկեղեցու բակը, ուր և գտնվում էր արական հոգևոր ուսումնարանը:  
Նույն շրջանի վավերագրերից մեկում հիշատակություն կա այն մասին, որ  
Ղզլարում բացվել է նաև իգական սանձավոր ուսումնարան, որի նախաձեռ-  
նողն էր Բրաթիսի ս. Գայանե իգական դպրոցի շրջանավարտ Նինա Անան-  
վան (Շերմազանյանց): Թերեքի մարզի ժողովրդական ուսումնարանների  
դիրեկտորը 1885 թ. դեկտեմբերին Կովկասի ուսումնական օկրուգի հոգաբար-  
ձուկանը հայտնում է, որ ինքը նրան թույլատրել է Ղզլարում մասնավոր  
իգական ուսումնարան բացել<sup>64</sup>: Ցավոք, ուսումնարանի հնաագա գոյություն-  
ը գործունեության մասին մենք տեղեկություններ չունենք:

XIX դարի 80-ական թթ. կեսերին Ղզլարի արական և իգական ուսում-  
նարաններից յուրաքանչյուրը բաղկացած էր 4 ռաժանմունքից (դաստա-  
նիյ), որոնցում ուսանում էին 109 աշակերտ և 70 աշակերտուհիներ<sup>65</sup>:

Այսպիսով, XIX դարում Հյուսիսային Կովկասի հայկական գաղթավայ-  
րերից առաջինը Ղզլարն էր, ուր հիմնվեցին ազգային կրթօջախներ: Հայկա-  
կան ուսումնարանները դարձան Ղզլարի և ընդհանրապես ողջ հայկա-  
կան մշակութային կյանքի կարևոր կենտրոններ: Ղզլարահայերի կրթա-  
կան դրժր հնաագա զարգացում ապրեց հաղթահարելով ոչ միայն նյութա-  
կան միջոցների սղությունը, ուսուցչական որակյալ կադրերի պակասը, այլև  
ազգային փոքրամասնությունների դեմ ինքնակալության կողմից XIX դարի  
երկրորդ կեսից սկսված ուժացման քաղաքականության հարուցած դժվա-  
րությունները:

## ИЗ ИСТОРИИ ОРГАНИЗАЦИИ ОБРАЗОВАТЕЛЬНОГО ДЕЛА В КИЗЛЯРЕ (XIX в.)

Л. А. ПОГОСЯН

### Резюме

Созданию армянских школ по организации школьно-учебного дела в армянских поселениях Северного Кавказа во многом способствовало активное участие армянского населения в общественно-политической и экономической жизни края. В Кизляре, старейшем из армянских поселений на Северном Кавказе, в начале XIX в. впервые была основана армянская школа, которая сыграла важную роль в национальной и культурной жизни северокавказских армян. Центрами обучения армянского юношества стали также (и не только в Кизляре) частные и государственные (уездные) школы, созданию и обеспечению которых во многом способствовали армянские общества. В начале 70-х гг. XIX в. кизлярская армянская духовная школа, где в основном получали образование дети светского населения, по принципу обучения достигла уровня семинарии. В этот же период армянская община приступает к решению вопроса женского образования.

<sup>63</sup> «Մշակ», 1881, № 71, 1883, №№ 54 և 100:

<sup>64</sup> Վրացական ԽՍՀ Կոմիտե, ք. 422, ց. 1, գ. 2475, թ. 2:

<sup>65</sup> «Նոր դար», 1888, № 55, էջ 2: